

AD LECTOREM.

Auſtiger lieber Leſer/ Ob wol die Biedische *Apologia* vorlengſten verfertiget vnd zu trucken beſtellet geweſen / So hat es ſich aber damit allerhandt unmittelſteingeſaltener verhinndernuffen halben / in etwas verweilet / doch iſt zwar hierzwiſchen ein Nachtruck deß von Graff Phillips Ludwigen/ *re. ſpargirten maniſeſti*, ſampe beygeſetzte kurzen *Notaminibus*, von beyde Eltern Herrn Gebrüdern Graffen zu Biedt / *re.* in offenen Truck zu geben / vñ hin vnd wider zu *cömmuniciren* befohlen worden / wie auch geſchehē: Demnach aber in zwiſchē das Hauß vnd Herrſchafft Kunkel mit gewalt *occupiret* vnd eingenommen / vnd darauff die Vorantwort auch *dirigiret* worden / So wölle der günſtige Leſer ab ſolcher zwenfacher arbeit vñ vorherlauſſender doppelter *Information* ſich nicht irri machen laſſen / ſondern eins mit dem andern erwecken / vnd was nötig *ſuppliren*, Vnd weil die ſachen nunmehr in weit andern *Terminis* beſtehen / als ſie geſtandē / wie die *Apologi* in aller eil begriffen worden / ab denen hiebey gehörigen *documenten*, vnd andern nachrichtungen / die ins künfftig auff den notturfftis fall vermehret werde ſollen / die handgreiffliche *Contraventiones* vñ beharrliche gewaltsame Eingriffe / von G. Phillips Ludwigen/ *re.* biſhero vnverantwortlich verübt / ſelbſt *dijudiciren*, auch nunmehr den Schluß machen / Ob die in der *Apologi*

AD LECTOREM.

angezogene *contraventiones pacti familiae*, vñ Weilburgische Vertrags/ samt alles anders/ so daselbst mit grund angezoge/ der warheit gemess/ auch seithero ab/ oder zugenommen haben/ oder nicht/ was sich sonst vor in vñ nach besagter eigenthätlicher *occupation* der Herrschafft Kunkel zugetragen/ hat er auch hierneben zuverlesen/ mit der anzeige/ vnd außstrücklicher *Protestation*, daß beyde Eltere Herren Gebrüdere mit diesem ganzẽ werck niemands zuverunglimpfen/ oder vnbeschulder sachen in einem oder andern zubeschweren/ sondern allein den verlauff vñ was sich zugetragen vñ begeben/ wie gleichfalls die warhaffte beschaffenheit der ganzen sachen/ zumenniglichs wissenschafft vnd Ihrer höchsten vnschuldte anders tages Liecht zubringen genotträngt/ Vñ lieber nicht wündschen mögen/ als daß Sie damit weren verschonet/ vnd die verübte gewaltsame Landfriedbrüchige Thatlichkeiten eingestellt worden/ Wofern an J. G. Jüngern Bruders seite hinwider eins oder anders/ das geringste hiernechsten (welches doch mit grund der warheit vnd bestand zuthun vnmöglich) solte eingewendet/ vnd in offenen Truck *spargiret* werden/ Seynd beyde J. G. G. erbietig/ dz jenig was man noch zur zeit/ auß sonderbare vrsachen verschwiegen/ weltleufftiger an taggeben vnd alles gebürlich außführen/ beweisen/ auch mit Beylagen bestercken zulassen/ Bis dahin der günstiger Leser mit diesem sich begnügen lassen wolle.